

全 本

二十四史

旧唐书
旧五代史

新唐书



(宋)宋祁、欧阳修 著

新唐书

延边人民出版社

新唐书目录

唐书卷一	本纪第一	(1)
唐书卷二	本纪第二	(5)
唐书卷三	本纪第三	(10)
唐书卷四	本纪第四	(16)
唐书卷五	本纪第五	(22)
唐书卷六	本纪第六	(30)
唐书卷七	本纪第七	(36)
唐书卷八	本纪第八	(43)
唐书卷九	本纪第九	(50)
唐书卷十	本纪第十	(55)
唐书卷十一	列传第十一	(60)
唐书卷十二	列传第十二	(66)
唐书卷十三	列传第十三	(68)
唐书卷十四	列传第十四	(73)
唐书卷十五	列传第十五	(77)
唐书卷十六	列传第十六	(81)
唐书卷十七	列传第十七	(84)
唐书卷十八	列传第十八	(90)
唐书卷十九	列传第十九	(97)
唐书卷二十	列传第二十	(99)
唐书卷二十一	列传第二十一	(102)
唐书卷二十二	列传第二十二	(105)
唐书卷二十三	列传第二十三	(107)
唐书卷二十四	列传第二十四	(109)
唐书卷二十五	列传第二十五	(112)
唐书卷二十六	列传第二十六	(115)
唐书卷二十七	列传第二十七	(118)
唐书卷二十八	列传第二十八	(120)
唐书卷二十九	列传第二十九	(123)
唐书卷三十	列传第三十	(125)
唐书卷三十一	列传第三十一	(128)
唐书卷三十二	列传第三十二	(130)
唐书卷三十三	列传第三十三	(134)
唐书卷三十四	列传第三十四	(137)
唐书卷三十五	列传第三十五	(140)
唐书卷三十六	列传第三十六	(145)
唐书卷三十七	列传第三十七	(147)
唐书卷三十八	列传第三十八	(152)

唐 书 卷 三 十 九	列传第二十九	(154)
唐 书 卷 四 十	列传第三十	(157)
唐 书 卷 四 十 一	列传第三十一	(160)
唐 书 卷 四 十 二	列传第三十二	(164)
唐 书 卷 四 十 三	列传第三十三	(168)
唐 书 卷 四 十 四	列传第三十四	(170)
唐 书 卷 四 十 五	列传第三十五	(173)
唐 书 卷 四 十 六	列传第三十六	(176)
唐 书 卷 四 十 七	列传第三十七	(181)
唐 书 卷 四 十 八	列传第三十八	(185)
唐 书 卷 四 十 九	列传第三十九	(187)
唐 书 卷 五 十	列传第四十	(189)
唐 书 卷 五 十 一	列传第四十一	(192)
唐 书 卷 五 十 二	列传第四十二	(196)
唐 书 卷 五 十 三	列传第四十三	(198)
唐 书 卷 五 十 四	列传第四十四	(204)
唐 书 卷 五 十 五	列传第四十五	(207)
唐 书 卷 五 十 六	列传第四十六	(210)
唐 书 卷 五 十 七	列传第四十七	(212)
唐 书 卷 五 十 八	列传第四十八	(217)
唐 书 卷 五 十 九	列传第四十九	(219)
唐 书 卷 六 十	列传第五十	(222)
唐 书 卷 六 十 一	列传第五十一	(225)
唐 书 卷 六 十 二	列传第五十二	(230)
唐 书 卷 六 十 三	列传第五十三	(233)
唐 书 卷 六 十 四	列传第五十四	(236)
唐 书 卷 六 十 五	列传第五十五	(238)
唐 书 卷 六 十 六	列传第五十六	(241)
唐 书 卷 六 十 七	列传第五十七	(244)
唐 书 卷 六 十 八	列传第五十八	(248)
唐 书 卷 六 十 九	列传第五十九	(251)
唐 书 卷 七 十	列传第六十	(253)
唐 书 卷 七 十 一	列传第六十一	(255)
唐 书 卷 七 十 二	列传第六十二	(258)
唐 书 卷 七 十 三	列传第六十三	(261)
唐 书 卷 七 十 四	列传第六十四	(263)
唐 书 卷 七 十 五	列传第六十五	(266)
唐 书 卷 七 十 六	列传第六十六	(268)
唐 书 卷 七 十 七	列传第六十七	(269)
唐 书 卷 七 十 八	列传第六十八	(272)
唐 书 卷 七 十 九	列传第六十九	(276)
唐 书 卷 八 十	列传第七十	(278)

唐书卷八十一	列传第七十一	(282)
唐书卷八十二	列传第七十二	(284)
唐书卷八十三	列传第七十三	(287)
唐书卷八十四	列传第七十四	(292)
唐书卷八十五	列传第七十五	(295)
唐书卷八十六	列传第七十六	(296)
唐书卷八十七	列传第七十七	(299)
唐书卷八十八	列传第七十八	(302)
唐书卷八十九	列传第七十九	(305)
唐书卷九十	列传第八十	(308)
唐书卷九十一	列传第八十一	(311)
唐书卷九十二	列传第八十二	(313)
唐书卷九十三	列传第八十三	(317)
唐书卷九十四	列传第八十四	(320)
唐书卷九十五	列传第八十五	(323)
唐书卷九十六	列传第八十六	(325)
唐书卷九十七	列传第八十七	(326)
唐书卷九十八	列传第八十八	(329)
唐书卷九十九	列传第八十九	(335)
唐书卷一百	列传第九十	(339)
唐书卷一百一	列传第九十一	(343)
唐书卷一百二	列传第九十二	(347)
唐书卷一百三	列传第九十三	(350)
唐书卷一百四	列传第九十四	(354)
唐书卷一百五	列传第九十五	(357)
唐书卷一百六	列传第九十六	(361)
唐书卷一百七	列传第九十七	(364)
唐书卷一百八	列传第九十八	(365)
唐书卷一百九	列传第九十九	(368)
唐书卷一百一十	列传第一百	(372)
唐书卷一百一十一	列传第一百一	(374)
唐书卷一百一十二	列传第一百二	(376)
唐书卷一百一十三	列传第一百三	(380)
唐书卷一百一十四	列传第一百四	(383)
唐书卷一百一十五	列传第一百五	(386)
唐书卷一百一十六	列传第一百六	(390)
唐书卷一百一十七	列传第一百七	(392)
唐书卷一百一十八	列传第一百八	(395)
唐书卷一百一十九	列传第一百九	(397)
唐书卷一百二十	列传第一百一十	(399)
唐书卷一百二十一	列传第一百一十一	(402)
唐书卷一百二十二	列传第一百一十二	(405)

唐书卷一百二十三	列传第一百一十三	(408)
唐书卷一百二十四	列传第一百一十四	(411)
唐书卷一百二十五	列传第一百一十五	(413)
唐书卷一百二十六	列传第一百一十六	(416)
唐书卷一百二十七	列传第一百一十七	(422)
唐书卷一百二十八	列传第一百一十八	(425)
唐书卷一百二十九	列传第一百一十九	(428)
唐书卷一百三十	列传第一百二十	(430)
唐书卷一百三十一	列传第一百二十一	(434)
唐书卷一百三十二	列传第一百二十二	(437)
唐书卷一百三十三	列传第一百二十三	(441)
唐书卷一百三十四	列传第一百二十四	(445)
唐书卷一百三十五	列传第一百二十五	(450)
唐书卷一百三十六	列传第一百二十六	(456)
唐书卷一百三十七	列传第一百二十七	(460)
唐书卷一百三十八	列传第一百二十八	(465)
唐书卷一百三十九	列传第一百二十九	(469)
唐书卷一百四十	列传第一百三十	(472)
唐书卷一百四十一	列传第一百三十一	(474)
唐书卷一百四十二	列传第一百三十二	(478)
唐书卷一百四十三	列传第一百三十三	(482)
唐书卷一百四十四	列传第一百三十四	(487)
唐书卷一百四十五	列传第一百三十五	(490)
唐书卷一百四十六	列传第一百三十六	(494)
唐书卷一百四十七	列传第一百三十七	(498)
唐书卷一百四十八	列传第一百三十八	(502)
唐书卷一百四十九	列传第一百三十九	(504)
唐书卷一百五十	列传第一百四十	(508)
唐书卷一百五十一	列传第一百四十一	(517)
唐书卷一百五十二	列传第一百四十二	(524)
唐书卷一百五十三	列传第一百四十三	(531)
唐书卷一百五十四	列传第一百四十四	(534)
唐书卷一百五十五	列传第一百四十五	(537)
唐书卷一百五十六	列传第一百四十六	(542)
唐书卷一百五十七	列传第一百四十七	(551)
唐书卷一百五十八	列传第一百四十八	(563)
唐书卷一百五十九	列传第一百四十九	(568)
唐书卷一百六十	列传第一百五十	(576)

唐书卷一

本纪第一

高祖

高祖，神尧大圣大光孝皇帝讳渊，字叔德，姓李氏，陇西成纪人也。其七世祖皓，当晋末，据秦、凉以自王，是为凉武昭王。皓生歆，歆为歆与沮渠蒙逊所灭。歆生重耳，魏弘农太守。重耳生熙，金门镇将，戍于武川，因留家焉。熙生天赐，为幢主。天赐生虎，西魏时，赐姓大野氏，官至太尉，与李弼等八人佐周代魏有功，皆为柱国，号“八柱国家”。周闵帝受魏禅，虎已卒，乃追录其功，封唐国公，谥曰襄。襄公生昉，袭封唐公，周安州总管、柱国大将军，卒，谥曰仁。

仁公生高祖于长安，体有三乳，性宽仁，袭封唐公。隋文帝独孤皇后，高祖之从母也，以故文帝与高祖相亲近。文帝相周，复高祖姓李氏，以为千牛备身，事隋谯、陇二州刺史。

大业中，历岐州刺史、蒙阳楼烦二郡太守，召为殿内少监、卫尉少卿。炀帝征辽东，遣高祖督运粮于怀远镇。杨玄感将反，其兄弟从征辽者皆逃归，高祖先觉以闻，炀帝遣班师，以高祖为弘化留守以御玄感，诏关右诸郡兵皆受高祖节度。

是时，隋政荒，天下大乱，炀帝多以猜忌，杀戮大臣。尝以事召高祖，高祖遇疾，不时谒。高祖有甥王氏在后宫，炀帝问之，王氏对以疾，炀帝曰：“可得死否？”高祖闻之益惧，因纵酒纳赂以自晦。

十一年，拜山西河东慰抚大使，击龙门贼母端儿，射七十发皆中，贼败去，而斂其尸以筑京观，尽得其箭于其尸。又击绛州贼柴保昌，降其众数万人。突厥犯塞，高祖与马邑太守王仁恭擲之，隋兵少，不敌。高祖选精骑二千为游军，居处饮食随水草如突厥，而射猎驰骋示以闲暇，别选善射者伏为奇兵。虜见高祖，疑不敢战，高祖乘而击之，突厥败走。

十三年，拜太原留守，击高阳历山飞贼甄翟儿于西河，破之。是时，炀帝南游江都，天下盗起。高祖子世民知隋必亡，阴结豪杰，招纳亡命，与晋阳令刘文静谋举大事。计已决，而高祖未之知，欲以情告，惧不见听。高祖留守太原，领晋阳宫监，而所善客裴寂为副监，世民阴与寂谋，寂因选晋阳宫人私侍高祖。高祖过寂饮酒，酒酣从容，寂具以大事告之，高祖大惊。寂曰：“正为宫人奉公，事发当诛，为此尔。”世民因亦入白其事，高祖初阳不许，欲执世民送官，已而许之，曰：“吾受汝，岂忍告汝邪？”然未有以发。而所在盗贼益多，突厥数犯边，高祖兵出无功，炀帝遣使者执高祖，诣江都。高祖大惧。世民曰：“事急矣，可举事！”已而，炀帝复遣使者赦止高祖，其事遂已。

是时，刘武周起马邑，林士弘起豫章，刘元进起晋安，皆称皇帝；朱粲起南阳，号楚帝；李子通起海陵，号楚王；邵江海据岐州，号新平王；薛举起金城，号西秦霸王；郭子和起榆林，号永乐王；窦建德起河间，号长乐王；王须拔起恒、定，号漫天王；汪华起新安，杜伏威起淮南，皆号吴王；李密起巩，号魏公；王德仁起邺，号太公；左才相起齐郡，号博山公；罗艺据幽州，左难当据涇，冯盎据高、罗，皆号总管；梁师都据朔方，号大丞相；孟海公据曹州，号录事；周文举据淮阳，号柳叶军；高开道据北平，张长恐据五原，周洸据上洛，杨士林据山南，徐圆郎据兖州，杨仲达据豫州，张善相据伊、汝，王要汉据汴州，时德睿据尉氏，李义满据平陵，蔡公顺据青、莱；淳于难据文登，徐师顺据任城，蒋弘度据东海，王薄据齐郡，蒋善合据郛州，田留安据章丘，张青特据济北，臧君相据海州，殷恭遂据舒州，周法明据永安，嵇海潮据永嘉，梅知岩据宣城，邓文进据广州，偃首杨世略据循、潮，冉安昌据巴东，甯长真据郁林，其别号诸盗往往屯聚山泽。而刘武周攻汾阳宫，高祖乃集将吏告曰：“今吾为留守，而贼据离宫，纵贼不诛，罪当死。然出兵必待报，今江都隔远，后期奈何？”将吏皆曰：“国家之利可专者，公也。”高祖曰：“善。”乃募兵，旬日间得众一万。副留守虎贲郎将王威、虎牙郎将高君雅见兵大集，疑有变，谋，因祷雨晋祠以图高祖。高祖觉之，乃阴闭为备。

五月甲子，高祖及威、君雅视事。开阳府司马刘政会告威、君雅反，即坐上执之。丙寅，突厥犯边，高祖令军中曰：“人告威、君雅召突厥，今其果然。”遂杀之以起兵。遣刘文静使突厥，约连和。

六月己卯，传檄诸郡，称义兵，开大将军府，置三军。以子建成为陇西公、左领军大都督，左军隶焉；世民为炖煌公、右领军大都督，右军隶焉；元吉为姑臧公，中军隶焉。裴寂为长史，刘文静为司马，石艾县长殷开山为据，刘政会为属，长孙顺德、王长谐、刘弘基、窦琮为统军。开仓库赈穷乏。

七月壬子，高祖杖白旗，誓众于野，有兵三万，以元吉为太原留守。癸丑，发太原。甲寅，遣将张纶徇下离石、龙泉、文城三郡。丙辰，次灵石，营于贾胡堡。隋虎牙郎将宋老生屯于霍邑，以拒义师。丙寅，隋鹰扬府司马李轨起武威，号大凉王。

八月辛巳，败宋老生于霍邑。丙戌，下临汾郡。辛卯，克绛郡。癸巳，次龙门，突厥来助。隋骁卫大将军屈突通守河东，绝津梁。壬寅，冯翊贼孙华、土门贼白玄度皆具舟以来逆。

九月戊午，高祖领太尉，加置僚佐。以少牢祀河，乃济。甲子，次长春宫。丙寅，陇西公建成、刘文静屯永丰仓，守潼关。炖煌公世民自渭北徇三辅，从父弟神通起兵于鄠，柴氏妇，高祖女也，亦起兵于可竹，皆与世民会。鄠贼丘师利李仲文，蓝野贼何潘仁，向善思、宜君贼刘昊等皆来降，因略定郛、杜。壬申，高祖次冯翊。乙亥，教煌公世民屯阿城，陇西公建成自新丰趋霸上。丙子，高祖自下邳以西，所经隋行宫、苑囿、悉罢之，出宫女还其家。

十月辛巳，次长乐宫，有众二十万。隋留守卫文升等，奉代王侑守京城，高祖遣使谕之。不报，乃围城。下令曰：“犯隋七庙及宗室者，罪三族。”丙申，隋罗山令萧铣自号梁公。

十一月丙辰，克京城。命主符郎宋公弼收图籍。约法十二条，杀人、劫盗、背军、叛者死。癸亥，遥尊隋帝为太上皇，立代王为皇帝，大赦，改元义宁。甲子，高祖入京师，至朝堂，望阙而拜。隋帝授高祖黄钺，使持节、大都督内外诸军事、大丞相、录尚书事，进封唐王。以武德殿为丞相府，下教曰：今，视事于虔化门。

十二月癸未，隋帝赠唐襄公为景王；仁公为元王；夫人窦氏为唐国妃，谥曰穆。以建成为唐国世子；世民为唐国

内史，徙封秦国公；元吉为齐国公。丞相府置长史、司录以下官。赵郡公李孝恭徇山南。甲辰，云阳令詹俊徇巴、蜀。

二年正月丁未，隋帝诏唐王，剑履上殿；入朝不趋；赞拜不名；加前后羽葆、鼓吹。戊午，周洮降。戊辰，世子建成为左元师，秦国公世民为右元帅，徇地东都。

二月己酉，太常卿郑元琬定樊、邓，使者马元规徇荆、襄。

三月己酉，齐国公元吉为太原道行军元帅。乙卯，世民徙封赵国公。丙辰，隋右屯卫将军宇文文化及献太上皇于江都，立秦王浩为皇帝。吴兴郡守沈法兴，据丹阳，自称江南道总管。乐安人卢祖尚，据光州，自称刺史。戊辰，隋帝进唐王位相国，总百揆，备九锡，唐国置丞相等官，立四庙。

四月己卯，张长愁降。辛巳，停竹使符，班银菟符。

五月乙巳，隋帝命唐王冕十有二旒，建天子旌旗，出警入蹕。甲寅，王德仁降。戊午，隋帝逊于位，以刑部尚书萧造，司农少卿裴之隐奉皇帝玺绶与唐王，三让乃受。

武德元年五月甲子，即皇帝位于太极殿。命萧造兼太尉，告于南郊。大赦，改元。赐百官、庶人爵一级，义师所过给复三年，其余给复一年。改郡为州，太守为刺史。庚午，太白昼见。隋东都留守元文都及左武卫大将军王世充立越王侗为皇帝。

六月甲戌，赵国公世民为尚书令，裴寂为尚书右仆射、知政事，刘文静为纳言，隋民部尚书萧瑀、丞相府司录参军窦威为内史令。丙子，太白昼见。己卯，追谥皇高祖曰宣简公；皇曾祖曰懿王；皇祖曰景皇帝，庙号太祖，祖妣梁氏曰景烈皇后；皇考曰元皇帝，庙号世祖，妣独孤氏曰元贞皇后；妃窦氏曰穆皇后。庚辰，立世子建成为皇太子，封世民为秦王，元吉齐王。癸未，薛举寇泾州，秦王世民为西讨元帅，刘文静为司马。太仆卿宇文达招慰山东。乙酉，奉隋帝为酈国公，诏曰：“近世时运迁革，前代亲族，莫不夷绝。历数有归，实惟天命；兴亡之效，岂伊人力。前隋秦王积善子孙，皆选用之。”癸巳，禁言符瑞者。辛丑，窦威薨。黄门侍郎陈叔达判纳言，将作大匠窦抗兼纳言。

七月壬子，刘文静及薛举战于泾州，败绩。乙卯，郭子和降。庚申，废隋离宫。

八月壬申，刘文静除名。戊寅，约功臣恕死罪。辛巳，薛举卒。壬午，李轨降。甲申，岩州刺史王德仁杀招慰使宇文达以反。己丑，秦王世民为西讨元帅，以讨恭仁果。庚子，赠隋太常卿高颎上柱国、酈国公，上柱国贺若弼杞国公，司隶大夫薛道衡上开府、临河县公，刑部尚书宇文弼上开府、平昌县公，左翊卫将军董纯柱国、狄道公，右翊卫将军李金才上柱国、申国公，左光禄大夫李敏柱国、观国公。诸遭隋枉杀而子孙被流者，皆还之。

九月乙巳，虐囚。始置军府。癸丑，改银菟符为铜鱼符。甲寅，秦州总管窦抗及薛仁果战，败绩。辛未，宇文文化及杀秦王浩，自称皇帝。

十月壬申朔，日有食之。己卯，李密降。壬午，朱粲陷邓州，刺史吕子藏死之。乙酉，邵江海降。己亥，盗杀商州刺史泉彦宗。辛丑，大阅。是月，窦抗罢。

十一月，窦建德败王须拔于幽州，须拔亡入于突厥。乙巳，凉王李轨反。戊申，禁献侏儒短节、小马、羆牛、异兽奇禽者。乙酉，秦王世民败薛仁果，执之。行军总管赵慈景攻蒲州，隋刺史尧君素拒战，执慈景。癸亥，秦王世民俘薛仁果以献。

十二月壬申，世民为太尉。丙子，蒲州人杀尧君素，立其将王行本。辛巳，郑元琬及朱粲战于商州，败之。乙酉，如周氏陂。丁亥，至自周氏陂。庚子，光禄卿李密反，伏诛。

是岁，高开道陷渔阳，号燕王。

二年正月甲子，陈叔达兼纳言。诏自今正月、五月、九月不行死刑，禁屠杀。丙寅，张善相降。己巳，杨士林降。

二月乙酉，初定租、庸、调法。令文武官终丧，丙戌，州置宗师一人。甲午，赦并、浩、介、石四州贾胡堡以北系囚。闰月，窦建德陷邢州，执总管陈君宾。辛丑，窦建德杀宇文文化及于聊城。朱粲降。壬寅，秦皇太子及秦王世民、裴寂巡于饒县。乙巳，御史大夫段确劾朱粲于蒲潭。庚戌，徵行，察风俗。乙卯，以谷贵，禁关内屠酤。左屯卫将军何潘仁及山贼张子惠战于可什，死之。丁巳，虐囚。庚申，骁骑将军赵钦、王斐罗及山贼战于蓝野，死之。丁卯，王世充陷殷州，酈州刺史李育德死之。

三月甲戌，王薄降。庚辰，蒋弘度、徐师顺降。丁亥，窦建德陷赵州。丁酉，李义满降。

四月，裴公顺降。庚子，并州总管、齐王元吉及刘武周战于榆次，败绩。辛丑，朱粲杀段确以反。乙巳，王世充废越王侗，自称皇帝。癸亥，陷伊州，执总管张相。

五月庚辰，凉州将安修仁执李轨以降。癸未，曲赦凉、甘、瓜、鄯、肃、会、兰、河、廓九州。

六月，王世充杀越王侗。戊戌，立周公、孔子庙于国子监。庚子，窦建德陷沧州。丁未，刘武周陷介州。癸亥，裴寂为晋州道行军总管。离石胡刘季真叛，陷石州，刺史王俭死之。

七月壬申，徐圆朗降。

八月丁酉，酈国公薨。甲子，窦建德陷洛州，执总管袁子干。

九月辛未，杀户部尚书刘文静。李子通自称皇帝。沈法兴自称梁王。丁丑，杜伏威降。裴寂及刘武周战于介州，败绩，右武卫大将军姜宝谊死之。庚辰，窦建德陷相州，总管吕珣死之。辛巳，刘武周陷并州。庚寅，太白昼见。窦建德陷赵州，执总管张志昂。乙未，京师地震。梁师都寇延州，酈州刺史梁礼死之。

十月己亥，罗艺降。乙卯，如华阴，赦募士背军者。壬戌，刘武周寇晋州，永安王孝基及工部尚书独孤怀恩、酈州总管于筠、内史侍郎唐俭讨之。甲子，祠华山。是月，夏县人吕崇茂反。秦王世民讨刘武周。

十一月丙子，窦建德陷黎州，执淮安王神通、总管李世绩。

十二月丙申，猎于华山。永安王孝基及刘武周战于下邳，败绩。壬子，大风拔木。

三年正月己巳，猎于渭滨。戊寅，王行本降。辛巳，如蒲州。癸巳，至自蒲州。

二月丁酉，京师西南地有声。庚子，如华阴。甲寅，独孤怀恩谋反，伏诛。辛酉，检校隰州总管刘师善谋反，伏诛。

三月庚午，改纳言为侍中，内史令为中书令。甲戌，中书侍郎封德彝兼中书令，乙酉，刘季真降。

四月丙申，祠华山。壬寅，至自华阴。癸卯，禁关内诸州屠，甲寅，秦王世民及宋金刚战于雀鼠谷，败之。辛酉，

王世充陷郑州,总管雷四郎死之。壬戌,秦王世民及刘武周战于洛州,败之,武周亡入于突厥。克并州。

五月壬午,秦王世民屠夏县。

六月丙申,赦晋、隰、潞、并四州。癸卯,诏隋帝及其宗室柩在江都者,为营窆,置陵庙,以故宫人守之。丙午,虑囚。封子元景为赵王,元昌鲁王,元亨鄜王。己酉,出宫女五百人,赐东征将士有功者。甲寅,显州长史田瓚,杀行台尚书令杨士林,叛附于王世充。乙卯,堰州县暴骨。

七月壬戌,秦王世民讨王世充。甲戌,皇太子屯于蒲州,以备突厥。丙戌,梁师都首导突厥、稽胡寇边,行军总管段德操败之。

八月庚子,虑囚。甲辰,时德睿降。

九月癸酉,田瓚降。己丑,给复陕鼎、熊、谷四州二年。

十月戊申,高开道降;己酉,杨仲达降;己未,有星陨于东都。

十二月己酉,瓜州刺史贺拔行威反。

四年正月辛巳,皇太子伐稽胡。

二月,窦建德陷曹州,执孟海公。己丑,车骑将军董阿兴反于陇州,伏诛。乙巳,太常少卿李仲文谋反,伏诛。丙午,虑囚。丁巳,赦代州总管府石岭之北。

三月,进封宜都郡王泰为卫王。庚申,虑囚。乙酉,窦建德陷管州,刺史郭志安死之。

九月壬寅,齐王元吉及王世充战于东都,败绩,行军总管卢君弼死之。戊申,突厥寇并州,执汉阳郡王环、太常卿郑元璋,左骁骑卫大将军长孙顺德。甲寅,封子元方为周王,元礼郑王,元嘉宋王,元则荆王,元茂越王。丁巳,左武卫将军王君廓败张育特,执之。

五月壬戌,秦王世民败窦建德于虎牢,执之。乙丑,赦山东为建德所诬误者。戊辰,王世充降。庚午,周法明降。

六月庚寅,赦河南为王世充所诬误者。戊戌,蒋善保降。庚子,营州人石世则执其总管晋文衍,叛附于靺鞨。乙卯,戴君相降。

七月甲子,秦王世民俘王世充以献。丙寅,窦建德伏诛。丁卯,大赦,给复天下一年,陕、鼎、函、虢、虞、芮、幽七州二年。甲戌,刘黑闥反于贝州。辛巳,戴州刺史孟晔鬼反,伏诛。

八月丙戌朔,日有食之。丁亥,皇太子安抚北境。丁酉,刘黑闥陷郛县,魏州刺史权威、贝州刺史戴元祥死之。癸卯,突厥寇代州,执行军总管王孝基。丁未,刘黑闥陷历亭,屯卫将军王行敏死之。辛亥,深州人崔元孙杀其刺史裴晞,叛附于刘黑闥。兖州总管徐圆朗反。

九月,卢祖尚降。乙卯,淳于难降。甲子,汪华降。

是秋,夔州总管、赵郡王孝恭,率十二总管兵以讨萧铣。

十月己丑,秦王世民为天策上将,领司徒;齐王元吉为司空。庚寅,刘黑闥陷瀛州,执刺史卢士睿,又陷观州。癸卯,毛州人董灯明杀其刺史赵元恺。乙巳,赵郡王孝恭败萧铣于荊州,执之。

闰月乙卯,如稷州。己未,幸旧豎。壬戌,猎于好畤。乙丑,猎于九巖。丁卯,猎于仲山。戊辰,猎于清水谷,遂幸三原。辛未,如周氏坡。壬申,至自周氏坡。

十一月甲申,有事于南郊。庚寅,李子通降。丙申,子通谋反,伏诛。壬寅,刘黑闥陷定州,总管李玄通死之。庚戌,杞州人周文举杀其刺史王孝矩,叛附于黑闥。

十二月乙卯,黑闥陷冀州,总管曲棱死之。甲子,左武侯将军李绩及黑闥战于宋州,败绩。丁卯,秦王世民、齐王元吉讨黑闥。己巳,黑闥陷邢州。庚午,陷魏州,总管潘道毅死之。辛未,陷莘州。壬申,徙封元嘉为徐王。

五年正月乙酉,刘黑闥陷相州,刺史房昂死之。丙戌,殷恭遂降。丁亥,济州别驾刘伯通,执其刺史窦务本,叛附于徐圆朗。庚寅,东盐州治中王才艺,杀其刺史田华,叛附于刘黑闥。丙申,相州人杀其刺史独孤彻,以其州叛附于黑闥。己酉,杨世略、刘元进降。

二月,王要汉降。己巳,秦王世民克邢州。丁丑,刘黑闥陷洛水,总管罗士信死之。戊寅,汴州总管王要汉败徐圆朗于杞州,执周文举。

三月戊戌,潭州刺史李义满,杀齐州都督王薄。丁未,秦王世民及刘黑闥战于洛水;败之,黑闥亡入于突厥。蔚州总管高开道反,寇易州,刺史慕容孝干死之。

四月,梁州野蚕成茧。冉安昌降。己未,甯长真降。戊辰,释流罪以下,获麦。壬申,代州总管李大恩及突厥战,死之。戊寅,邓文进降。

五月,田留安降。庚寅,瓜州人王干杀贺拔行威以降。乙巳,赐荊州今岁田租。

六月辛亥,刘黑闥与突厥寇山东。车骑将军元韶为瓜州道行军总管,以备突厥。癸丑,吐谷浑寇洮,旭、叠三州,岷州总管李长卿败之。乙卯,淮安郡王神通讨徐圆朗。

七月甲申,作弘义宫。甲午,淮阳郡王道玄为河北道行军总管,讨刘黑闥。贝州人董该,以定州叛附于黑闥。丙申,突厥杀刘武周于白道。迁州人邓士政反,执其刺史李敬昂。丁酉,冯盎降。

八月辛亥,葬隋炀帝。甲寅,吐谷浑寇岷州,益州道行台左仆射窦轨败之。乙卯,突厥寇边。庚申,皇太子出幽州道,秦王世民出秦州道,以御突厥。己巳,吐谷浑陷洮州。并州总管、襄邑郡王神符及突厥战于汾东,败之。戊寅,突厥陷大震关。

九月癸巳,灵州总管杨师道败之于三观山。丙申,洪州总管宇文歆又败之于崇冈。壬寅,定州总管双士洛、驃骑将军魏道仁,又败之于恒山之阳。丙午,领军将军安兴贵,又败之于甘州。刘黑闥陷瀛州,刺史马匡武死之。东盐州人马君德以其州叛附于黑闥。

十月己酉,齐王元吉讨黑闥。癸丑,贝州刺史许善护及黑闥战于郛县,死之。甲寅,观州刺史刘君曾叛附于黑闥。乙丑,淮阳郡王道玄及黑闥战于下博,死之。己巳,林士弘降。

十一月庚辰,刘黑闥陷沧州。甲申,皇太子讨黑闥。丙申,如宜州。癸卯,猎于富平北原。

十二月丙辰，猎于万寿原。戊午，刘黑闥陷恒州，刺史王公政死之。庚申，至自万寿原。壬申，皇太子及刘黑闥战于魏州，败之。甲戌，又败之于毛州。

六年正月己卯，黑闥将葛德威执黑闥以降。壬午，隼州人王摩娑反，驍骑将军卫彥讨之。庚寅，徐圆朗陷泗州。

二月，刘黑闥伏诛。庚戌，幸温汤。壬午，猎于骊山。甲寅，至自温汤。丙寅，行军总管李世绩败徐圆朗，执之。

三月，苗海潮、梅知严、左难当降。乙巳，洪州总管张善安反。

四月己酉，吐蕃陷芳州。己未，以故第为通义宫，祭元皇帝、元贞皇后于旧寝。赦京城，赐从官帛。辛酉，张善安陷孙州，执总管王戎。丁卯，南州刺史庞孝泰反，陷南越州。壬申，封子元璋为蜀王，元庆汉王。癸酉，裴寂为尚书左仆射，萧瑀为右仆射，封德彝为中书令，吏部尚书赵恭仁兼中书令、检校凉州诸军事。

五月庚寅，吐谷浑、党项寇河州，刺史卢士良败之。癸卯，高开道以奚寇幽州，长史王说败之。

六月丁卯，突厥寇朔州，总管高满政败之。武救朔州。

七月丙子，沙州别驾宴伏明反，杀其总管贺若怀郎。己亥，皇太子屯于北边，秦王世民屯于并州，以备突厥。

八月壬子，淮南道行台左仆射辅公祐反。乙丑，赵郡王孝恭讨之。

九月壬辰，秦王世民为江州道行军元帅。丙申，渝州人张大智反。

十月丙午，杀广州都督刘世让。戊申，降死罪，流以下原之。己未，如华阴。张大智降。庚申，猎于白鹿原。壬戌，右虞候率杜士远杀高满政，以朔州反。丁卯，突厥请和。

十一月壬午，张善安袭杀黄州总管周法明。丁亥，如华阴。辛卯，猎于沙苑。丁酉，猎于伏龙原。

十二月壬寅朔，日有食之。癸卯，张善安降。庚戌，以奉义监为龙跃宫，武功宅为庆善宫。甲寅，至自华阴。

七年正月庚寅，邹州人郑同颖杀其刺史李士衡。

二月丁巳，释奠于国学。己未，渔阳郡将张金树杀高开道以降。

三月戊戌，赵郡王孝恭败辅公祐，执之。己亥，孝恭杀越州都督闾陵。

四月庚子，大赦。班新律令。给复江州道二年、扬越一年。

五月丙戌，作仁智宫。

六月辛丑，如仁智宫。壬戌，庆州都督杨文于反。

七月己巳，突厥寇朔州，总管裴武通败之。癸酉，庆州人杀杨文于以降。甲午，至自仁智宫。隼州地震山崩，遏江水。

闰月己未，秦王世民、齐王元吉屯于幽州，以备突厥。

八月己巳，吐谷浑寇鄯州，驍骑将军彭武策死之。戊寅，突厥寇绥州，刺史刘大俱败之。壬辰，突厥请和。丁酉，裴寂使于突厥。

十月丁卯，如庆善宫。辛未，猎于鄠南。癸酉，幸终南山。丙子，谒楼观老子祠。庚寅，猎于围川。

十二月丁卯，如龙跃宫。戊辰，猎于高陵。庚午，至自高陵。太子詹事裴矩检校侍中。

八年二月癸未，赦囚。

四月甲申，如鄠，猎于甘谷。作太和宫。丙戌，至自鄠。

六月甲子，如太和宫。

七月丙午，至自太和宫。丁巳，秦王世民屯于蒲州，以备突厥。

八月壬申，并州行军总管张瑾及突厥战于太谷，败绩。鄂州都督张德政死之，执行军长史温彦博。甲申，任城郡王道宗及突厥战于灵州，败之。丁亥，突厥请和。

十月辛巳，如周氏陂。猎于北原。壬午，如龙跃宫。

十一月辛卯，如宜州，猎于西原。裴矩罢。庚子，讲武于同宫。天策府司马宇文士及权检校侍中。辛丑，徙封元璋为吴王，元庆陈王。癸卯，秦王世民为中书令，齐王元吉为侍中。癸丑，猎于华池北原。

十二月辛酉，至自华池。庚辰，猎于鸣犊泉。辛巳，至自鸣犊泉。

九年正月甲寅，裴寂为司空。

二月庚申，齐王元吉为司徒。壬午，有星孛于胃、昴。丁亥，勃于卷舌。

三月庚寅，幸昆明池，习水战。壬辰，至自昆明池。丙午，如周氏陂。乙卯，至自周氏陂。丁巳，突厥寇凉州，都督、长乐郡王幼良败之。

四月辛巳，废浮屠、老子法。

六月丁巳，太白经天。庚申，秦王世民杀皇太子建成、齐王元吉。大赦。复浮屠、老子法。癸亥，立秦王世民为皇太子，听政。赐为父后者袭勋、爵，赤牒官得为真，免民通租宿赋。己卯，太白昼见。庚辰，幽州都督、庐江郡王瑒反，伏诛。癸未，赦幽州管内为瑒所诬误者。

七月辛卯，杨恭仁罢。太子右庶子高士廉为侍中，左庶子房玄龄为中书令，萧瑀为尚书左仆射。癸巳，宇文士及为中书令，封德彝为尚书左仆射。辛亥，太白昼见。甲寅，太白昼见。

八月丙辰，突厥请和。丁巳，太白昼见。壬戌，吐谷浑请和。甲子，皇太子即皇帝位。

贞观三年，太子、上皇徙居大安宫。九年五月，崩于垂拱前殿，年七十一。谥曰太武，庙号高祖。上元元年，改谥神尧皇帝。天宝八载，谥神尧大圣皇帝，十三载，增谥神尧大圣大光孝皇帝。

赞曰：自古受命之君，非有德不王。自夏后氏以来，始传以世，而有贤有不肖，故其为世，数亦或短或长。论者乃谓：周自后稷至于文、武，积功累仁，其来也远，故其为世尤长。然，考于《世本》，夏、商、周皆出于黄帝，夏自鯀以前，商自契至于成汤，其间寂寥无闻，与周之兴异矣。而汉亦起于亭长叛亡之徒。及其兴也，有天下皆数百年而后已。由是言之，天命岂易知哉！然，考其终始治乱，顾其功德有厚薄与其制度纪纲所以维持者如何，而其后世，或浸以隆昌，或遽以坏乱，或渐以陵迟，或能振而复起，或遂至于不可支持，虽各因其势，然有德则兴，无德则绝，岂非所谓天命者常不显其符，而俾有国者兢兢以自勉耶？唐在周、隋之际，世虽贵矣，然乌有所谓积功累仁之渐，而高祖之兴，亦何异因时而特起者欤？虽其有治有乱，或绝或微，然其有天下年几三百，可谓盛哉！岂非人厌隋乱而蒙德泽，

继以太宗之治，制度纪纲之法，后世有以凭借扶持，而能永其天命欤？

唐书卷二

本纪第二

太宗

太宗文武大圣大广庆孝皇帝讳世民，高祖次子也。母曰太穆皇后窦氏。生而不惊。方四岁，有书生谒高祖曰：“公在相法，贵人也，然必有贵子。”及见太宗，曰：“龙凤之姿，天日之表，其年几冠，必能济世安民。”书生已辞去，高祖惧其语泄，使人追杀之，而不知其所往，因以爲神。乃采其语，名之曰世民。

大业中，突厥围炀帝雁门，炀帝从围中以木系诏书，投汾水而下，募兵赴援。太宗时年十六，往应募，隶将军云定兴，谓定兴曰：“虏敢围吾天子者，以为无援故也。今宜先后吾军为数十里，使其昼见旌旗，夜闻钲鼓，以为大至，则可不可不击而走之，不然，知我虚实，则胜败未可知也。”定兴从之。军至崞县，突厥候骑见其军来，不绝，果驰告始毕可汗曰：“救兵大至矣！”遂引去。高祖击历山飞，陷其围中，太宗驰轻骑取之而出，遂奋击，大破之。

太宗为人，聪明英武，有大志，而能屈节下士。时天下已乱，盗贼起，知隋必亡，乃推财养士，结纳豪杰。长孙顺德、刘弘基等，皆因事亡命，匿之。又与晋阳令刘文静尤善，文静坐李密事系狱，太宗夜就狱中见之。与图大事。时百姓避贼，多入城，城中几万人。文静为令久，知其豪杰，因共部署。计已定，乃因裴寂告高祖。高祖初不许，已而许之。

高祖已起兵，建大将军府。太宗率兵徇西河，斩其郡丞高德儒。拜右领军大都督，封敦煌郡公。唐兵西，将至霍邑，会天久雨，粮且尽，高祖谋欲还兵太原。太宗谏曰：“义师为天下起也，宜直入咸阳，号令天下。今还守一城，是为贼利。”高祖不纳。太宗哭于军门，高祖惊，有问之，对曰：“还则众散于前，而敌乘于后，死亡须臾，所以悲尔。”高祖悟，曰：“起事者汝也，成败惟汝。”时左军已先返，即与陇西公建成，分追之。夜半，太宗失道入山谷，弃其马，步而及其兵，与俱还。高祖乃将而前，迟明至霍邑。宋老生不出，太宗从数骑传其城，举鞭指麾，若将围之者。老生怒，出，背城阵。高祖率建成居其东，太宗及柴绍居其南。老生兵，薄东阵，建成堕马，老生乘之，高祖军却。太宗自南原驰下坡，分兵断其军为二，而出其阵后，老生兵败走，遂斩之。进次泾阳，击胡贼刘鹞子，破之。唐兵攻长安，太宗屯金城坊，攻其西北，遂克之。义宁元年，为光禄大夫、唐国内史，徙封秦国公，食邑万户。薛举攻扶风，太宗击败之，斩首万余级，遂略地至陇右。二年，为右元帅，徙封赵国公，率兵十万攻东都，不克而还，设三伏于三王陵，败隋将段达兵万人。

武德元年，为尚书令、右翊卫大将军，进封秦王。薛举寇泾州，太宗为西讨元帅，进位雍州牧。七月，太宗有疾，诸将为举所败。八月，太宗疾困，复屯于高堆城，相持六十余日。已而举死，其子仁果率其众求战，太宗按军不动。久之，仁果粮尽，众稍离叛，太宗曰：“可矣！”乃遣行军总管梁实，栅浅水原。仁果将罗睺击实，太宗遣将军庞玉救实，玉军几败，太宗率兵出其后，罗睺败走，太宗追之，至其城下，仁果乃出降。师还，高祖遣李密驰传，劳之于豳州。密见太宗，不敢仰视，退而叹曰：“真英主也！”献捷太庙，拜右武侯大将军、太尉、使持节、陕东道大行台尚书令，诏蒲、陕、河北诸总管兵，皆受其节度。

二年正月，镇长春宫，进拜左武侯大将军、凉州总管。是时，刘武周据并州，宋金刚陷涇州，王行本据蒲州，而夏县人吕崇茂杀县令以应武周。高祖惧，诏诸将奔河东以守关中。太宗以为不可弃，愿得兵三万，可以破贼。高祖于是悉发关中兵，益之。十一月，出龙门关，屯于柏壁。

三年四月，击败宋金刚于柏壁。金刚走介州，太宗追之，一日夜，驰二百里，宿于雀鼠谷之西原。军士皆饥，太宗不食者二日，行至浩州，乃得食，而金刚将尉迟敬德、寻相等皆来降。刘武周惧，奔于突厥，其将杨伏念举并州降。高祖遣萧瑀即军中，拜太宗益州道行台尚书令。七月，讨王世充，败之于北邙。

四年二月，窦建德率兵十万以援世充，太宗败建德于虎牢，执之，世充乃降。六月，凯旋，太宗被金甲，陈铁骑一万、介士三万，前后鼓吹，献俘于太庙。高祖以谓太宗功高，古官号不足以称，乃加号天策上将，领司徒、陕东道大行台尚书令，位在王公上，增邑户至三万，赐袞冕、金络、双壁、黄金六千斤，前后鼓吹九部之乐，班剑四十人。

五年正月，讨刘黑闥于洛州，败之。黑闥即降，已而复反。高祖怒，命太子建成取山东男子十五以上悉坑之。驱其小弱妇女以实关中。太宗切谏，以为不可，遂已。加拜左右十二卫大将军。

七年，突厥寇边，太宗与遇于豳州，从百骑与其可汗语，乃盟而去。

八年，进位中书令。初，高祖起太原，非其本意，而事出太宗。乃取天下，破宋金刚、王世充、窦建德等，太宗功益高，而高祖屡许以爲太子。太子建成惧废，与齐王元吉谋杀太宗，未发。

九年六月，太宗以兵入玄武门，杀太子建成及齐王元吉。高祖大惊，乃以太宗为皇太子。

八月甲子，即皇帝位于东宫显德殿。遣裴寂告于南郊。大赦，武德流人还之。赐文武官勋、爵。免关内及蒲、芮、虞、泰、陕、鼎六州二岁租，给复天下一年。民八十以上赐粟帛，百岁加版授。废潼关以东颍河诸关。癸酉，赦宫女三千余人。丙子，立妃长孙氏为皇后。癸未，突厥寇便桥。乙酉，及突厥颉利盟于便桥。

九月壬子，禁私家妖神淫祀、占卜非龟易五兆者。

十月丙辰朔，日有食之。癸亥，立中山郡王承乾为皇太子。庚辰，萧瑀、陈叔达罢。

十一月庚寅，降宗室郡王非有功者，爵为县公。

十二月癸酉，赦囚。

是岁，进封子长沙郡王恪为汉王，宜阳郡王祐为楚王。

贞观元年正月乙酉，改元。辛丑，燕郡王李艺反于涇州，伏诛。

二月丁巳，诏民男二十、女十五以上无夫家者，州县以礼聘娶；贫不能自行者，乡里富人及亲戚资送之；鳏夫六十、寡妇五十、妇人育子若守节者勿强。

三月癸巳，皇后亲蚕。丙午，诏：“齐仆射崔季舒、黄门侍郎郭遵、尚书右丞封孝琰以极言蒙难，季舒子刚、遵子云、孝琰子君遵并及廷刑，宜免内侍，褒叙以官。”

闰月癸丑朔，日有食之。

四月癸巳，凉州都督、长乐郡王幼良有罪，伏诛。

五月癸丑，敕中书令、侍中朝堂受讼辞，有陈事者悉上封。

六月辛丑，封德彝薨。甲辰，太子少师萧瑀为尚书左仆射。

是夏，山东旱，免今岁租。

七月壬子，吏部尚书长孙无忌为尚书右仆射。

八月河南、陇右边州霜。宇文士及检校凉州都督。戊戌，贬高士廉为安州大都督。

九月庚戌朔，日有食之。辛酉，遣使诸州行损田，赈问下户。御史大夫杜淹检校吏部尚书，参议朝政。宇文士及罢。辛未，幽州都督王君廓奔于突厥。

十月丁酉，以岁饥减膳。

十一月己未，许子弟年十九以下随父兄之官所。

十二月壬午，萧瑀罢。戊申，利州都督李孝常、右武卫将军刘德裕谋反，瑀伏诛。

二年正月辛亥，长孙无忌罢。兵部尚书杜如晦检校侍中，总监东宫兵马事。癸丑，吐谷浑寇岷州，都督李道彦败之。丁巳，徙封恪为蜀王，泰越王，祐燕王。庚午，刑部尚书李靖检校中书令。

二月戊戌，外官上考者给禄。

三月戊申朔，日有食之。壬子，命中书门下五品以上及尚书议决死罪。壬戌，李靖为关内道行军大总管，以备薛延陀。己巳，遣使巡关内，出金宝赎饥民鬻子者还之。庚午，以旱蝗责躬，大赦。癸酉，雨。

四月己卯，淫雨人暴散。壬寅，朔方人梁洛仁杀梁师都以降。

六月甲申，诏出使官禀食其家。庚寅，以子治生，赐是日生子者粟。辛卯，辰州刺史裴虔通以弑隋炀帝，削爵，流欢州。

七月戊申，莱州刺史牛方裕、绛州刺史薛世良、广州长史唐奉义、虎牙郎将高元礼，以宇文化及之党，皆除名，徙于边。

八月甲戌，省冤狱于朝堂。辛丑，立二王后庙，置国官。

九月壬子，以有年，赐酺三日。

十月庚辰，杜淹薨。戊子，祭瀛州刺史卢祖尚。

十一月辛酉，有事于南郊。

十二月壬辰，黄门侍郎王珪守侍中。癸巳，禁五品以上过市。

三年正月丙午，以旱避正殿。癸丑，官得上下考者，给禄一年。戊午，享于太庙。癸亥，耕藉田。辛未，裴寂罢。

二月戊寅，房玄龄为尚书左仆射，杜如晦为右仆射，尚书右丞魏征为私书监，参预朝政。

三月己酉，虑囚。

四月乙亥，太上皇徙居于大安宫。甲午，始御太极殿。戊戌，赐孝义之家粟五斛，八十以上二斛，九十以三斛，百岁加绢二匹，妇人正月以来产子者，粟一斛。

五月乙丑，周王元方薨。

六月戊寅，以旱虑囚。己卯，大风拔木。壬午，诏文武官言事。

八月己巳朔，日有食之。丁亥，李靖为定襄道行军大总管，以伐突厥。

十一月庚申，并州都督李世勣通漠道行军总管，华州刺史柴绍为金河道行军总管，任城郡王道宗为大同道行军总管，幽州都督李季节为恒安道为行军总管，营州都督薛万淑为畅武道行军总管，以伐突厥。

十二月癸未，杜如晦罢。

闰月癸丑，为死兵者，立浮屠祠。辛酉，虑囚。

是岁，中国人归自塞外及开四夷为州县者，百二十余万人。

四年正月丁卯朔，日有食之。癸巳，武德殿北院火。

二月己亥，幸温汤。甲辰，李靖与突厥战于阴山，败之。丙午，至自温汤。甲寅，大赦，赐酺五日。御史大夫温彦博为中书令，王圭为侍中；民部尚书戴胄检校吏部尚书，参预朝政；太常卿萧瑀为御史大夫，与宰臣参议朝政。丁巳，以旱，诏公卿言事。

三月甲午，李靖俘突厥颉利可汗以献。

四月戊戌，西北君长请上号为“天可汗”。

六月乙卯，发卒，治洛阳宫。

七月甲子朔，日有食之。癸酉，萧瑀罢。甲戌，太上皇不豫，废朝。辛卯，疾愈，赐都督刺史文武官及民年八十以上、孝子表门闾者有差。

八月甲寅，李靖为尚书右仆射。

九月庚午，徙城南隋人暴骨。己卯，如陇州。壬午，禁台牧于古明君、贤臣、烈士之墓者。

十月壬辰，赦岐、陇二州，免今岁租赋，降咸阳、始平、武功死罪以下。辛丑，猎于贵泉谷。甲辰，猎于鱼龙川，献获于大安宫。乙卯，免武功今岁租赋。

十一月壬戌，右卫将军侯君集为兵部尚书，参议朝政。甲子，至自陇州。戊寅，除鞭背刑。

十二月甲辰，猎于鹿苑。乙巳，至自鹿苑。

是岁，天下断死罪者二十九人。

五年正月癸酉，猎于昆明池。丙子，至自昆明池，献获于大安宫。

二月己酉，封弟元裕为郯王，元名谨王，灵夔魏王，元祥许王，元晓密王。庚戌，封子愔为梁王，贞汉王，恽郑王，

治晋王，慎申王，器江王，简代王。

四月壬辰，代王简薨。

五月乙丑，以金帛购隋人没于突厥者，以还其家。

八月甲辰，遣使高丽，祭隋人战亡者。戊申，杀大理丞张蕴古。

十一月丙子，有事于南郊。

十二月丁亥，诏：“决死刑，京帅五覆奏，诸州三覆奏，其日尚食，毋进酒肉。”壬寅，幸温汤。癸卯，猎于骊山，赐新丰高年帛。戊申，至自温汤。癸丑，赦关内。

六年正月乙卯朔，日有食之。癸酉，静州山獠反，右武卫将军李子和败之。

三月，候君集罢。戊辰，如九成宫。丁丑，降雍、岐、豳三州死罪以下，赐民八十以上粟帛。

五月，魏征检校侍中。

六月己亥，郧王元亨薨。辛亥，江王器薨。

七月己巳，诏天下行乡饮酒。

九月己酉，幸庆善宫。

十月，候君集起复。乙卯，至自庆善宫。

十二月辛未，虑囚，纵死罪者，归其家。

是岁，诸羌内属者三十万人。

七年正月戊子，斥宇文文化及党人之子孙勿齿。辛丑，赐京城酺三日。

二月丁卯，雨土。

三月戊子，王珪罢。庚寅，魏征为侍中。

五月癸未，如九成宫。

六月辛亥，戴胄薨。

八月辛未，东西洞獠寇边，右屯卫大将军张士贵为冀州道行军总管，以讨之。

九月，纵囚来归，皆赦之。

十月庚申，至自九成宫。乙丑，京师地震。

十一月壬辰，开府仪同三司，长孙无忌为司空。

十二月甲寅，幸芙蓉园。丙辰，猎于少陵原。戊午，至自少陵原。

八年正月辛丑，张士贵及獠战，败之。壬寅，遣使循省天下。

二月乙巳，皇太子加元服。丙午，降死罪以下，赐五品以上子为父后者爵一级，民酺三日。

三月庚辰，如九成宫。

五月辛未朔，日有食之。

是夏，吐谷浑寇凉州，左骁卫大将军段志玄为西海道行军总管，左骁卫将军樊兴为赤水道行军总管，以伐之。

七月，陇右山崩。

八月甲子，有星孛于虚、危。

十月，作永安宫。甲子，至自九成宫。

十一月辛未，李靖罢。己丑，吐谷浑寇凉州，执行人鸿胪丞赵德楷。

十二月辛丑，特进李靖为西海道行军大总管，侯君集为积石道行军总管，任城郡王道宗为鄯善道行军总管，胶东郡公道彦为赤水道行军总管，凉州都督李大亮为且末道行军总管，利州刺史高甑生为盐泽道行军总管，以伐吐谷浑。丁卯，从太上皇，阅武于城西。

九年正月，党项羌叛。

二月，长孙无忌罢。

三月庚辰，洮州羌杀刺史孔长秀，附子吐谷浑。壬午，大赦。乙酉，高甑生及羌人战，败之。

闰四月丙寅朔，日有食之。

五月，长孙无忌起复。庚子，太上皇崩，皇太子听政。壬子，李靖及吐谷浑战，败之。

七月庚子，盐泽道行军副总管刘德敏及羌人战，败之。

十月庚寅，葬太武皇帝于献陵。

十一月壬戌，特进萧瑀参豫朝政。

十年正月甲午，复听政。癸丑，徙封元景为荆王，元昌汉王，元礼徐王，元嘉韩王，元则彭王，元懿郑王，元軌霍王，元凤虢王，元庆道王，灵夔燕王，恪吴王，泰魏王，祐齐王，愔蜀王，恽蒋王，贞越王，慎纪王。

三月癸丑，出诸王为都督。

六月壬申，温彦博为尚书右仆射，太常卿杨师道为侍中。魏征罢为特进，知门下省事，参议朝章国典。己卯，皇后崩。

十一月庚寅，葬文德皇后于昭陵。

十二月，萧瑀罢。庚辰，虑囚。

十一年正月丁亥，徙封元裕为邓王，元名舒王。庚子，作飞山宫。乙卯，免雍州今岁租赋。

二月丁巳，营九峻山为陵，赐功臣、密戚陪茔地及秘器。甲子，如洛阳宫。乙丑，给民百岁以上侍五人。壬午，猎于鹿台岭。

三月丙戌朔，日有食之。癸卯，降洛州囚见徒，免一岁租、调。辛亥，猎于广成泽。癸丑，如洛阳宫。

六月甲寅，温彦博薨。丁巳，幸明德宫。己未，以诸王为世封刺史。戊辰，以功臣为世封刺史。己巳，徙封元祥为江王。

七月癸未，大雨，水、谷、洛溢。乙未，诏百官言事。壬寅，废明德宫之玄圃院，赐遭水家。丙午，给亳州老子庙、

兖州孔子庙。户各二十，以奉享，复凉武昭王近墓户二十，以守卫。

九月丁亥，河溢，坏陕州河北县，毁河阳中渚，幸白司马坂观之，赐瀕河遗水家粟帛。

十月癸丑，赐先朝谋臣武将及亲戚亡者，茔陪献陵。

十一月辛卯，如怀州。乙未，猎于济源素山。丙午，如洛阳宫。

十二年正月乙未，丛州地震。癸卯，松州地震。

二月癸亥，如河北县，观底柱。甲子，巫州獠反，夔州都督齐善行败之。乙丑，如陕州。丁卯，观盐池。庚午，如蒲州。甲戌，如长春宫。免朝邑今岁租赋，降囚罪。乙亥，猎于河滨。

闰月庚辰朔，日有食之。丙戌，至自长春宫。

七月癸酉，吏部尚书高士廉为尚书右仆射。

八月壬寅，吐蕃寇松州，侯君集为当弥道行军大总管，率三总管兵以伐之。

九月辛亥，阙水道行军总管牛进达及吐蕃战于松州，败之。

十月己卯，猎于始平，赐高年粟帛。乙未，至自始平。钩州山獠反，桂州都督张宝德败之。

十一月己巳，明州山獠反，交州都督李道彦败之。

十二月辛巳，璧州山獠反，右武侯将军上官怀仁讨之。

是岁，滁、濠二州，野蚕成茧。

十三年正月乙巳，拜献陵，赦三原及行从，免县人今岁租赋，赐宿卫陵邑郎将、三原令爵一级。丁未，至自献陵。

二月庚子，停世封刺史。

三月乙丑，有星勃于毕、昴。

四月戊寅，如九成宫。甲申，中郎将阿史那结社率反，伏诛。壬寅，云阳石然。

五月甲寅，以旱，避正殿，诏五品以上言事，减膳，罢役，理囚，赈乏，乃雨。

六月丙申，封弟元嬰为滕王。

八月辛未朔，日有食之。

十月甲申，至自九成宫。

十一月辛亥，杨师道为中书令。戊辰，尚书左丞刘洎为黄门侍郎，参知政事。

十二月壬申，侯君集为交河道行军大总管，以伐高昌。乙亥，封子福为赵王。壬辰，猎于咸阳。癸巳，至自咸阳。

是岁，滁州野蚕成茧。

十四年正月庚子，有司读时令。甲寅，幸魏王泰第，赦雍州长安县，免延康里今岁租赋。

二月丁丑，观释奠于国学，赦大理、万年县，赐学官高第生帛。壬午，幸温汤。辛卯，至自温汤。乙未，求梁皇侃褚仲都、周熊安生沈重、陈沈文阿周弘正张讥、隋何妥刘焯刘炫之后。

三月罗、宾二州獠反，广州总管党仁弘败之。

五月壬寅，徙封灵夔为鲁王。

六月，滁州野蚕成茧。乙酉，大风拔木。

八月庚午，作襄城宫。癸酉，侯君集克高昌。

九月癸卯，赦高昌部及士卒父子犯死、期犯流、大功犯徒、小功缌麻杖，皆原之。

闰十月乙未，如同州。甲辰，猎于尧山。庚戌，至自同州。

十一月甲子，有事于南郊。

十二月丁酉，侯君集俘高昌王以献，赐酺三日。癸卯，猎于樊川。乙巳，至自樊川。

十五年正月辛巳，如洛阳宫，次温汤。卫士崔卿、刁文懿谋反，伏诛。

三月戊辰，如襄城宫。

四月辛卯，诏以来岁二月有事于泰山。乙未，免洛州今岁租，迁户故给复者加给一年，赐民八十以上物，载独鰥寡疾病不能自存者，米二斛。赦囚。

六月己酉，有星孛于太微。丙辰，停封泰山，避正殿，减膳。

七月丙寅，宥周、隋名臣及忠烈子孙贞观以后流配者。

十月辛卯，猎于伊阙。壬辰，如洛阳宫。

十一月癸酉，薛延陀寇边，兵部尚书李世勣为朔州道行军总管，右卫大将军李大亮为灵州道行军总管，凉州都督李袭誉为凉州道行军总管，以伐之。

十二月戊子，至自洛阳宫。庚子，命三品以上嫡子，事东宫。辛丑，赦囚。甲辰，李世勣及薛延陀战于诺真水，败之。乙巳，赠战亡将士，官三转。

十六年正月乙丑，遣使安抚西州。戊辰，募戍西州者，前犯流死亡匿，听自首以应募。辛未，徙天下死罪囚实西州。中书舍人岑文本为中书侍郎，专典机密。

六月戊戌，太白昼见。

七月戊午，长孙无忌为司徒，房玄龄为司空。

十一月丙辰，猎于武功。壬戌，猎于岐山之阳。甲子，赐所过六县高年孤疾，毡衾粟帛，遂幸庆善宫。庚午，至自庆善宫。

十二月癸卯，幸温汤。甲辰，猎于骊山。乙巳，至自温汤。

十七年正月戊辰，魏征薨。代州都督刘兰谋反，伏诛。

二月己亥，赦囚。戊申，图功臣于凌烟阁。

三月壬子，禁送违令式者。丙辰，齐王祐反，李世勣讨之。甲子，以旱遣使覆囚决狱。乙丑，齐王祐伏诛。给复齐州一年。

四月乙酉，废皇太子为庶人，汉王元昌、侯君集等伏诛，丙戌，立晋王治为皇太子，大赦，赐文武官及五品以上子为父后者爵一级，民八十以上粟帛，酺三日。丁亥，杨师道罢。己丑，特进萧瑀为太子太保，李世绩为太子詹事，同中书门下三品。庚寅，谢承乾之过于太庙。癸巳，降封魏王泰为东莱郡王。

六月己卯朔，日有食之。壬辰，葬隋恭帝。甲午，以早避正殿，减膳，诏京官五品以上言事。丁酉，高士廉同中书门下三品，平章政事。

闰月丁巳，诏皇太子典左右屯营兵。丙子，徙封泰为顺阳郡王。

七月丁酉，房玄龄罢。

八月庚戌，工部尚书张亮为刑部尚书，参豫朝政。

十月丁未，建诸州邸于京城。丁巳，房玄龄起复。

十一月己卯，有事于南郊。壬午，赐酺三日，以凉州获瑞石，赦凉州。

十二月庚申，幸温汤。庚午，至自温汤。

十八年正月乙未，如钟官城。庚子，如鄠。壬寅，幸温汤。

二月己酉，如零口。乙卯，至自零口。丁巳，给复突厥、高昌部人，隶诸州者二年。

四月辛亥，如九成宫。

七月甲午，营州都督张俭率幽、营兵及契丹、奚，以伐高丽。

八月壬子，安西都护郭孝恪为西州道行军都管，以伐焉耆。甲子，至自九成宫。丁卯，刘洎为侍中，岑文本为中书令，中书侍郎马周守中书令。

九月，黄门侍郎褚遂良参豫朝政。辛卯，郭孝恪及焉耆战，败之。

十月辛丑朔，日有食之。癸卯，宴雍州父老于上林苑，赐粟帛。甲寅，如洛阳宫。己巳，猎于天池。

十一月戊寅，虑囚。庚辰，遣使巡问郑、汝、怀、泽四州高年，宴赐之。甲午，张亮为平壤道行军大总管，李世绩，马周为辽东道行军大总管，率十六总管兵，以伐高丽。

十二月壬寅，庶人承乾卒。戊午，李思摩部落叛。

十九年二月庚戌，如洛阳宫，以伐高丽。癸丑，射虎于武德北山。乙卯，皇太子监国于定州。丁巳，赐所过高年鰥寡粟帛，赠比干太师谥忠烈。

三月壬辰，长孙无忌摄侍中，吏部尚书杨师道摄中书令。

四月癸卯，督师于幽州，大殄军。丁未，岑文本薨。癸亥，李世绩克盖牟城。

五月己巳，平壤道行军总管程名振克沙卑城。庚午，次辽泽，遼隋人战亡者。乙亥，辽东道行军总管张君义有罪，伏诛。丁丑，军于马首山。甲申，克辽东城。

六月丁酉，克白岩城。己未，大败高丽于安市城东南山，左武卫将军王君愕死之。辛酉，赐酺三日。

七月壬申，葬死事官，如爵四级，以一子袭。

九月癸未，班师。

十月丙午，次营州，以太牢祭死事者。丙辰，皇太子迎谒于临渝关。戊午，次汉武台，刻石纪功。

十一月癸酉，大殄军于幽州。庚辰，次易州。癸未，平壤道行军总管张文干有罪，伏诛。丙戌，次定州。丁亥，贬杨师道为工部尚书。

十二月戊申，次并州。己未，薛延陀寇夏州，左领军大将军执失思力败之。庚申，杀刘洎。

二十年正月辛未，夏州都督乔师望及薛延陀战，败之。丁丑，遣使二十二人，以六条黜陟于天下。庚辰，赦并州，起义时编户给复三年，后附者一年。

二月甲午，从伐高丽无功者，皆赐勋一转。庚申，赐所过高年鰥寡粟。

三月己巳，至自高丽。庚午，不豫，皇太子听政。己丑，张亮谋反，伏诛。

闰月癸巳朔，日有食之。

六月乙亥，江夏郡王道宗、李世绩伐恭延陀。

七月辛亥，疾愈。李世绩及恭延陀战，败之。

八月甲子，封孙忠为陈王。己巳，如灵州。庚辰，次泾州，赐高年鰥寡粟帛。丙戌，逾陇山关，次瓦亭，观马牧。丁亥，许陪陵者子孙从葬。

九月辛卯，遣使巡察岭南。甲辰，铁勒诸部请上号为“可汗”。辛亥，灵州地震。

十月，贬萧瑀为商州刺史。丙戌，至自灵州。

十一月己丑，诏：“祭祀、表疏，藩客、兵马、宿卫行鱼契给驿，授五品以上官及除解，决死罪，皆以闻，余委皇太子。”

二十一年正月壬辰，高士廉薨。丁酉，诏以来岁二月有事于泰山。甲寅，以铁勒诸部为州县，赐京帅酺三日。虑囚，降死罪以下。

二月丁丑，皇太子释菜于太学。

三月戊子，左武卫大将军牛进达为青丘道行军大总管，李世绩为辽东道行军大总管，率三总管兵以伐高丽。

四月乙丑，作翠微宫。

五月戊子，幸翠微宫。壬辰，命百司决事于皇太子。庚戌，李世勣克南苏、木底城。

六月丁丑，遣使铁勒诸部购中国人陷没者。

七月乙未，牛进达克石城。丙申，作玉华宫。庚戌，至自翠微宫。

八月，泉州海溢。壬戌，停封泰山。

九月丁酉，封子明为曹王。

十月癸丑，褚遂良罢。

十一月癸卯，进封泰为濮王。

十二月戊寅，左骁卫大将契苾何力为昆丘道行军大总管，率三总管兵，以伐龟兹。

二十二年正月庚寅，马周薨。戊戌，幸温汤。己亥，中书舍人崔仁师为中书侍郎，参知机务。丙午，左武卫大将军薛万彻为青丘道行军大总管，以伐高丽。长孙无忌检校中书令，知尚书、门下省事。戊申，至自温汤。

二月，褚遂良起复。乙卯，见京城父老，劳之，赐今岁半租，畿县三之一。丁卯，诏度辽水有功未酬勋而犯罪者与成官同。乙亥，幸玉华宫。乙卯，猎于华原。流崔仁师于连州。

三月丁亥，赦宜君，给复县人自玉华宫苑中迁者三年。

四月丁巳，松州蛮叛，右武侯将军梁建方败之。

六月丙寅，张行成存问河北从军者家，令州县为营农。丙子，薛万彻及高丽战于泊灼城，败之。

七月甲申，太白昼见。壬辰，杀华州刺史李君谔。癸卯，房玄龄薨。

八月己酉朔，日有食之。辛未，执失思力伐薛延陀余部于金山。

九月庚辰，昆丘道行军总管阿史那杜尔及薛延陀余部处月，处蜜战，败之。己亥，褚遂良为中书令。壬寅，眉、邛、雅三州獠反，茂州都督张士贵讨之。

十月癸丑，至自玉华宫。己巳，阿史那杜尔及龟兹战，败之。

十二月辛未，降长安、万年徒罪以下。

闰月癸巳，赦囚。

二十三年正月辛亥，阿史那杜尔俘龟兹王以献。

三月己未，自冬旱，至是雨。辛酉，大赦。丁卯，不豫，命皇太子听政于金液门。

四月己亥，幸翠微宫。

五月戊午，贬李世绩为叠州都督。己巳，皇帝崩于含风殿，年五十三。庚午，奉大行御马舆，还京师。礼部尚书于志宁为侍中，太子少詹事张行成兼侍中，高季辅兼中书令。壬申，发丧，谥曰文。上元元年，改谥文武圣皇帝；天宝八载，谥文武大圣皇帝；十三载，增谥文武大圣大广孝皇帝。

赞曰：甚矣，至治之君不世出也！禹有天下，传十有六王，而少康有中兴之业。汤有天下，传二十八王，而其甚盛者，号称三宗。武王有天下，传三十六王，而成、康之治与宣之功，其余无所称焉。虽《诗》、《书》所载，时有阙略，然三代千有七百余年，传七十余君，其卓然著见于后世者，此六七君而已。呜呼，可谓难得也！唐有天下，传世二十，其可称者三君，玄宗、宪宗皆不克其终，盛哉，太宗之烈也！其除隋之乱，比迹汤、武；致治之美，庶几成、康。自古功德兼隆，由汉以来未有也。至其率于多爱，复立浮图，好大喜功，勤兵于远，此中材庸主之所常为。然《春秋》之法，常责备于贤者，是以，后世君子之欲成人之美者，莫不叹息千斯焉。

唐书卷三

本纪第三

高宗

高宗，天皇大圣大弘孝皇帝讳治，字为善，太宗第九子也。母曰文德皇后长孙氏。始封晋王，贞观七年，遥领并州都督。十七年，太子承乾废，而魏王泰次当立，亦以罪黜，乃立子治为皇太子。太宗尝命皇太子游观习射，太子辞以非所好，愿得奉至尊，居膝下。太宗大喜，乃营寝殿侧为别院，使太子居之。太宗每视朝，皇太子常侍，观决庶政。

二十三年，太宗有疾，诏皇太子听政于金液门。四月，从幸翠微宫。太宗崩，以羽檄发六府甲士四千，卫皇太子入于京师。六月甲戌，即皇帝位于柩前。大赦，赐文武官勋一转，民八十以上粟帛，给复雍州及比岁供军所一年。癸未，长孙无忌为太尉。癸巳，检校洛州刺史李勣为开府仪同三司，参掌机密。

八月癸酉，河东地震。乙亥，又震。庚辰，遣使存问河东，给复二年，赐压死者人绢三匹。庚寅，葬文皇帝于昭陵。

九月甲寅，荆王元景为司徒，吴王恪为司空。乙卯，李勣为尚书左仆射、同中书门下三品。

十一月乙丑，晋州地震。左翊卫郎将高颎伐突厥。

是冬，无雪。

永徽元年正月辛丑，改元。丙午，立妃王氏为皇后。张行成为侍中。

二月辛卯，封子孝为许王，上金杞王，素节雍王。

四月己巳，晋州地震。

五月己未，太白昼见。

六月，高颎及突厥战于金山，败之。庚辰，晋州地震，诏五品以上言事。

七月辛酉，以旱赦囚。八月戊辰，给五品以上解官充侍者半禄，加赐帛。庚午，降死罪以下。

九癸卯，高颎俘突厥车鼻可汗以献。

十月戊辰，李勣罢左仆射。

十一月己未，贬褚遂良为同州刺史。

十二月庚午，瑛州獠寇边，梓州都督谢万岁死之。

二年正月戊戌，并义仓以赈民。乙巳，黄门侍郎宇文节、中书侍郎柳奭同中书门下三品。乙卯，瑶池都督阿史那贺鲁叛。

四月乙丑，命有司毋进肉食，讫于五月。

七月丁未，贺鲁寇庭州，左武卫大将军梁建方、右骁卫大将军契苾何力为弓月道行军总管以伐之。

八月己巳，高季辅为侍中；于志宁为尚书左仆射，张行成为右仆射，同中书门下三品。己卯，白水蛮寇边，左领军将军赵孝祖为郎州道行军总管以伐之。

九月癸卯，以同州苦泉牧地赐贫民。

十月辛卯，晋州地震。

十一月辛酉，有事于南郊。癸酉，禁进犬马鹰鹞。戊寅，忻州地震。甲申，雨木冰。是月，宴州、义州蛮寇边，桂州都督刘伯英败之。赵孝祖及白水蛮战于罗仵侯山，败之。

十二月乙未，太白昼见。壬子，处月朱邪孤注杀招慰使单道惠，叛附于贺鲁。

是冬，无雪。

三年正月癸亥，梁建方及处月战于牢山，败之。甲子，以旱避正殿，减膳，降囚罪，徙以下原之。己巳，褚遂良为吏部尚书、同中书门下三品。丙子，享于太庙。丁亥，耕藉田。

三月辛巳，雨土。宇文节为侍中，柳奭守中书令。

四月庚寅，赵孝祖及白水蛮战，败之。甲午，彭王元则薨。是月，兵部侍郎韩瑗为黄门侍郎，同中书门下三品。

五月庚申，求齐侍中崔季舒、给事黄门侍郎裴泽、隋仪同三司豆卢毓、御史中丞游楚客子孙官之。

七月丁巳，立陈王忠为皇太子，大赦，赐五品以上子为父后者勋一转，民酺三日。

九月丙辰，求周司沐大夫裴融、尚书左卫封孝琰子孙官之。是月，中书侍郎来济同中书门下三品。

十二月癸巳，濮王泰薨。

四年二月甲申，驸马都尉房遗爱薛万彻柴令武、高阳巴陵公主谋反，伏诛；杀荆王元景、吴王恪。乙酉，流宇文节于桂州。戊子，废蜀王愔为庶人。己亥，徐王元礼为司徒，李勣为司空。

四月壬寅，以旱虑囚，遣使决天下狱，减殿中、太仆马粟，诏文武官言事。甲辰，避正殿，减膳。

六月己丑，太白昼见。

八月己亥，陨石于冯翊十有八。

九月壬戌，张行成薨。甲戌，褚遂良为尚书右仆射。

十月庚子，幸温汤。甲辰，赦新丰。乙巳，至自温汤。戊申，睦州女子陈硕真反，婺州刺史崔玄讨之。

十一月庚戌，陈硕真伏诛。癸丑，兵部尚书崔敦礼为侍中。丁巳，柳奭为中书令。

十二月庚子，高季辅薨。

五年正月丙寅，以旱诏文武官、朝集使言事。

三月戊午，如万年宫。乙丑，次凤泉汤。辛未，赦岐州及所过，徙罪以下。

六月癸亥，柳奭罢。丙寅，河北大水，遣使虑囚。

八月己未，诏免麟游、岐阳今岁课役，岐州及扶风县半岁。

九月丁酉，至自万年宫。

十月癸卯，筑京师罗郭，起观于九门。

六年正月壬申，拜昭陵，赦醴泉及行从，免县今岁租，调，陵所宿卫进爵一级，令、丞加一阶。癸酉，以少牢祭陪葬者。甲戌，至自昭陵。庚寅，封于弘为代王，贤王。

二月乙巳，皇太子加元服，降死罪以下，赐酺三日，五品以上为父后者，勋一转。乙丑，营州都督程名振、左卫中郎将苏定方伐高丽。

五月壬午，及高丽战于贵端水，败之。癸未，左屯卫大将军程知节为葱山道行军总管，以伐贺鲁。壬辰，韩瑗为侍中，来济为中书令。

七月乙酉，崔敦礼为中书令。是月，中书舍人李义府为中书侍郎，参知政事。

九月庚午，贬褚遂良为潭州都督。乙酉，洛水溢。

十月，齐州黄河溢。己酉，废皇后为庶人。乙卯，立宸妃武氏为皇后。丁巳，大赦，赐民八十以上粟帛。

十一月己巳，皇后见于太庙。戊子，停诸州贡珠。癸巳，诏禁吏酷法及为隐名书者。

是冬，皇后杀王庶人。

显庆元年正月辛未，废皇太子为梁王，立代王弘为皇太子。壬申，大赦，改元，赐五品以上子为父后者勋一转，民酺三日，八十以上粟帛。丙戌，禁胡人为幻戏者。甲午，放宫人。

三月辛巳，皇后亲蚕。丙戌，户部侍郎杜正伦为黄门侍郎，同中书门下三品。

四月壬寅，诏五品以上老疾不以罪者，同致仕。壬子，矩州人谢无零反，伏诛。

七月癸未，崔敦礼为太子少师，同中书门下三品。

八月丙申，崔敦礼薨。辛丑，程知节及贺鲁部歌逻禄，处月战于榆嘉谷，败之。

九月庚辰，括州海溢。癸未，程知节及贺鲁战于恒笃城，败之。

十一月乙丑，以子显生，赐京官、朝集使勋一转。自八月霪且雨，至于是月。

是岁，龟兹大将羯猎颠附于贺鲁，左屯卫大将军杨胄伐之。

二年闰正月壬寅，如洛阳宫。庚戌，右屯卫将军苏定方为伊丽道行军总管，以伐贺鲁。

二月癸亥，降洛州囚罪，徙以下原之，免民一岁租，调，赐百岁以上毡裘粟帛。庚午，封子显为周王。壬申，徙封素节为郕王。

三月戊申，禁舅姑拜公主，父母拜王妃。癸丑，李义府兼中书令。

五月丙申，幸明德宫。

七月丁亥，如洛阳宫。

八月丁卯，贬韩瑗为振州刺史，来济为台州刺史。辛未，卫尉卿许敬宗为侍中。

九月庚寅，杜正伦兼中书令。

十一月戊戌，如许州。甲辰，遣使虑所过州县囚。乙巳，猎于濮南。壬子，讲武于新郑，赦郑州，免一岁租赋，赐八十以上粟帛，其尝事高祖任佐史者以名闻。

十二月乙卯，如洛阳宫。丁巳，苏定方败贺鲁于金牙山，执之。丁卯，以洛阳宫为东都。